

M512: Vorauer Novelle

- 0,1 Ich wil es aber wagen .
0,2 vn- wil mich selber fragen
0,3 Ob ich it kunne rimen .
0,4 vn- wort mit worten limen
0,5 Vn- sinne mit sinnen kunden .
0,6 Vn- wort mit worte ergrunden .
0,7 Vn- kunst mit kunste sprechen .
0,8 Vn- schoen latin zerbrechen .
0,9 Vn- listeclich entrennen .
0,10 Vn- wider zamen rennen .
0,11 In mines h'zen ezze .
0,12 Vn- dc min zunge so wezze .
0,13 Wrde gen h'ten worten .
0,14 Dc ich si z allen orten .
0,15 Schriet buge durchstaech .
0,16 Das ich ain suoza gespraech .
0,17 Da von mocht getichten .
0,18 Vn- maist'lich gerichten .
0,19 Vil snelle vf ainen tuschen lovf .
0,20 Alsust dc suoza worte trovf .
0,21 Stainherte h'ze ensluzze .
0,22 Dc ich dar in geguzze .
0,23 Die suoza gotes vorchte .
0,24 vn swer sich hete verworchte .
0,25 Dc d' snelle quaeme .
0,26 Vn- bilde vn- lere naeme .
0,27 Von zwain degenkinden .
0,28 Als wir gescrieben vinden .
0,29 Diu wrden vn- waren .
0,30 Jn ir kintlich iaren .
0,31 Z ainem closter gegeben .
0,32 Jn ain gaistliches leben .
0,33 Diu kindel waren sunde vri .
0,34 Der hailig gaist in wonet bj .
0,35 Dar zuo so wart in ovch gegeben .
0,36 Ain maist' der het raines leben .
0,37 Mit wort mit werk mit zuchten .
0,38 Nach himelslichen fruchten .

- 0,39 Wart er den degenkinden .
 0,40 Dc gotlich ioch vf binden .
 0,41 Dc druogen si vil gerne .
 0,42 Die edeln zewo lucerne .
 0,43 Wrden vil schier enzundet .
 0,44 Dar nach wart in gekundet .
 0,45 Zucht kunst vn e-re .
 0,46 Nach des maisters le-re .
 0,47 Nu merkent alle gemaine .
 0,48 Die zewen degen clain .
 0,49 Wuochsen harte vaste .
 0,50 Mit der dugend aste .
 0,51 Sluok si der maist' se-re .
 0,52 Mit gaistlicher lere .
 0,53 beegunde er die degen vberladen .
 0,54 Des nam er an d' sele schaden .
 0,55 Wan swer den bogen ziehen wil .
 0,56 Ze wi-t us der krefte zil .
 0,56a D' brennet ainen swarzen kol
 0,56b Da uon er selten gizzet wol .
 0,57 Der brichet in als ich wol waiz .
 0,58 Vn- swer dem brote duot ze haiz .
 0,59 Der brennet ainen swarze kol .
 0,60 Da uon er selten gizzet wol .
 0,61 Vn- swer dem vaisten vederspil .
 0,62 Mit vollem krophe getriuwen wil .
 0,63 Dem mak ez wol enphliegen .
 0,64 Sust begunde den maister triegen .
 0,65 Sin le-r vn- och sin maist'schaft .
 0,66 Die er mit vberiger kraft .
 0,67 Sinen iungelingen bot .
 0,68 So er mit slegen machet rot .
 0,69 Jr ruggen vn- ir wange .
 0,70 Do gedachten si vil ange .
 0,71 Wie si mochten entwiche .
 0,72 Vn- von den slegen slichen .
 0,73 Als der edel ionas .
 0,74 Der ovch von gote fluchtk was .
 0,75 Ze tarsis in dem lande .
 0,76 Er wand sin vnbekande .
 0,77 Den claren gotes ovgen .
 0,78 Sust vluhen ane logen
 0,79 Die zuwen closterknappe .
 0,80 Von ir gaistlich kappe .
 0,81 Jn d' welte fraise .
 0,82 Ain clageliche raise .
 0,83 Begunden si do werben .
 0,84 Vn- an d' sel v'derben .

- 0,85 Nach d' welte zuoz .
0,86 Diu vngetriuwe gruoez
0,87 Mit akustigen plikke .
0,88 Erzaiget harte dikke .
0,89 Allen die ir volgent nach .
0,90 Sus was den iungelingen gach .
0,91 Nac d' welte frovde .
0,92 Vor goetlich' beschovde .
0,93 beugen si sich vaste .
0,94 Von dugenderichem aste .
0,95 Varen si dief gevallen .
0,96 Dc honk mit d' gallen .
0,97 Muosten si do doewen .
0,98 Vn- vpeclich sich frowwen .
0,99 Jn weltlich' muotkur .
0,100 Von d' himelslichen dur .
0,101 Ware si gesprungen .
0,102 Vn- in die strazze gedrungen .
0,103 Diu da laitet in den tot .
0,104 Diu welt in frainspuoete bot .
0,105 Gen suntlichen sachen .
0,106 Des muost ir h'ze lachen .
0,107 Glustlich gen den sunden .
0,108 Do begunde sich enzunden .
0,109 Ir muot ir h'ze ir sinne .
0,110 Jn weltlich' minne .
0,111 Von dag ze dag ie baz vn- baz .
0,112 Als ich ez an dem buoche laz .
0,113 Nu merkent alle gemain
0,114 Mich ain wile clain .
0,115 Vnze ich vor iuwern ovgen .
0,116 Diu claren gotes dovgen .
0,117 Nach sinem lob endeke .
0,118 Da mit ich sund' wekke- .
0,119 Jn diefe riuwe d' sunde .
0,120 Vn- clagelich gekunde .
0,121 Ze iuwerr angesichte .
0,122 Dc geswinde gotes gerichte .
0,123 Wie sich dc hab erzaige .
0,124 Vn- wunderlich genaiget .
0,125 Gen disen iungelingen .
0,126 Die ze suntlichen dingn .
0,127 Ware wol beraitet .
0,128 Ain stik het si gelaitet .
0,129 Z ainer stat richen .
0,130 Da laz man offenlichen .
0,131 Diu buoch nigromancie .
0,132 Dc ist von zoberie .

- 0,133 Ain kunst diu wid' iesu crist .
0,134 von zober dief getichtet ist .
0,135 Nach d' sel vnhiale .
0,136 Sust wc dc zober vaile .
0,137 Als in ain phaffe het gesait .
0,138 D' us der stat in gegen rait .
0,139 Do si des rede vernamen .
0,140 Mit froden balde si quaemen .
0,141 Jn die stat gegangen .
0,142 Si wrden wol enphangen .
0,143 Von dem schuolherre .
0,144 Do er si von veren .
0,145 Mit schaechenden ovge- sach .
0,146 Lachende er en waelsche sprach .
0,147 "beeschaeuin iu beea syr
0,148 Minen kinden vn- mir."
0,149 Des dankten si im schone .
0,150 Mit dem gotes lone .
0,151 Vn- mit zuchteclichen siten .
0,152 Dar nach begunden si in bitte .
0,153 Durch sine curtesye
0,154 Dc er nigromancye .
0,155 Sie snelle hieze leren .
0,156 Si wolte gerne keran .
0,157 Muot sin vn- kunst
0,158 vf nigromancye kust .
0,159 Der maist' lachet began .
0,160 Er sach die zewen gesellen an .
0,161 Vn- sprach nu sint ir doch gewesen .
0,162 Jn gotes schuol vn- hant gelesen .
0,163 Swer lernen wil diu zoberbuoech .
0,164 D' muoz den geswinden gotes fluoch .
0,165 Vf sine sel enphahen .
0,166 Die schuoler snelle iahen .
0,167 Ez solt im nit sin swaere .
0,168 Ob junge schuoler .
0,169 Von frihait des herzen
0,170 Eteswenne smerzen .
0,171 An der sel enphiengen .
0,172 Mit froden si do giengen .
0,173 Nach des maisters rate .
0,174 Z er zoberschuole trate .
0,175 Do wart in snelle dar getragen .
0,176 Ain buoch dc wc wol beslagen .
0,177 Mit vberguelten spangen .
0,178 Si begunden drangen .
0,179 Nach dem buoch enwid'strit .
0,180 D' maist' psprach "ez kumet noch zit .

- 0,181 Dc iuch geriuwet diser tak .
0,182 Swenne iuch des grimmen dodes slak .
0,183 Wirt tribend von dem buoch .
0,184 Vn- swenne die sel ze gesuoch .
0,185 Mit iamerlichem smerzen .
0,186 Von iuwerp herten herzzen .
0,187 Sathan beginnet fuore- .
0,188 So wirt iuch erst ruoren .
0,189 Gar ze spaetiu riuwe .
0,190 Des ich got wol getriuwe ”
0,191 Der rede wrden si vnfro- .
0,192 Si sprachen maist' diser dro .
0,193 Gezaem wol alten wiben .
0,194 Jr sult si lan beliben .
0,195 Durch hubshait iuwerre zuchte .
0,196 Wan iuwerr kunste fruchte .
0,197 Wellen wir v'suochen .
0,198 Der maist' hiez nach buochen .
0,199 Sinen schuoler balde gan .
0,200 Dc beslagen buoch wart vf getan .
0,201 Vor in baiden an der stat .
0,202 Si funden an dem ersten blat .
0,203 Gescreiben wol mit minie .
0,204 Vnz vf die triten linie- .
0,205 “Hie hebet sich an d' sele to-t .
0,206 D' mit eweclich' no-t .
0,207 Vil grimme wirt gebunden .
0,208 Vn- last'lichen funden .
0,209 Jn des dievels kewen .
0,210 Von ewen vnz hin z ewen”
0,211 Do si die script erhorten .
0,212 Diu mit so sch'phen worten
0,213 Jr herze het beswaeret .
0,214 Der frowde gar enbaeret .
0,215 Von des dodes scrikke .
0,216 Mit witswaifem plikk .
0,217 Sahen si anand' an .
0,218 D' maist' fragende began .
0,219 Ob er in furbc solte lesen .
0,220 Si sprachen “h're ia lant vns wesen .
0,221 Jmmer iuwer knechte .
0,222 Dc ir vns lerent rechte .
0,223 Di ku-st vn- och den hohen list
0,224 D' an dem buoch gescrieben ist .”
0,225 D' maist' sprach “nu lesent dar .
0,226 Vn- nement wizeclichen war .
0,227 Wc diz vn- dc betute .
0,228 Vn- wie man wise lute .

- 0,229 Mit zob' muge v'keren .
0,230 Dar nach wil ich iuch leren
0,231 Wib vn- man betriegen .
0,232 Got vn- d' welte liegen
0,233 Dem dievel ruofen vn- beswn
0,234 Da mit so muget ir wol genern .
0,235 Den lip nach des h'zen gir ."
0,236 Si sprachen "hrre des piten- wir .
0,237 Durch hubschait iuwerr dugende .
0,238 Secht nit an vnser iugende .
0,239 Ob diu si ain dail ze krank .
0,240 Lest uns des muoest ir hohen dank
0,241 Von vns vn von d' welte han .
0,242 Vns triege denne sin vn- h'zen wan
0,243 Ez sol iuch nit geriuwen
0,244 Des wir got wol getriwen ."
0,245 Der maist' laz in an d' stat .
0,246 Mit froden kert er vmbe dc plat .
0,247 Sust lasen si vn- scriben an .
0,248 Des libes fluoch d' sele ban .
0,249 Do si die kunst enphiengen .
0,250 Wie snelle si do viengen .
0,251 Nach des buoches vrkunde .
0,252 Die kunst d' diefen sunde .
0,253 Die begunden si do voben .
0,254 Got vn- die welt betruoben .
0,255 Mit manger hande sunde .
0,256 Vf zober niuwe funde .
0,257 beegunden si do vinden .
0,258 Sich selb' vaste binden .
0,259 Vf vnkusche minne .
0,260 Da mit si kusche sinne .
0,261 Mangem wibe namen .
0,262 Aller sunde samen .
0,263 beegunden si do saigen .
0,264 Sniden vn- maigen .
0,265 Nuzzen vn- niezen .
0,266 Vn- in den sunden fliezen .
0,267 Sam d' visch in den wage .
0,268 Si heten selten frage .
0,269 Wie ez d' sel ergienge .
0,270 Vn- wer si denne enphienge .
0,271 So si mit kraft d' grimme to-t .
0,272 Mit so clagelich' no-t .
0,273 Von dem libe drunge .
0,274 Vn- h'teclich betuwng .
0,275 Ze dem herten gotes gerichte .
0,276 Dc hete si v'nichte .

- 0,277 Swer in da von begunde sagen .
 0,278 D' muost swigen vn- gedagen
 0,279 An d' selben stunde .
 0,280 Dem swarzen hellehunde .
 0,281 beegunden si do ruofen .
 0,282 Wisbeln vn- wofen .
 0,283 Mit manger hande Vnfuor .
 0,284 Jn vberigem huore .
 0,285 Begunden si do alten .
 0,286 Mit sunden manikvalten .
 0,287 Von dag ze dag ie bc ie bc
 0,288a Als ich es an dem beuoche laz .
 0,288b Gitekait ir h'ze bezaz
 0,289 frazhait vn- drunkenhait .
 0,290 Wc ir dagliches clait .
 0,291 Hofart wc ir spiegelglaz .
 0,292 Si wrden muoede nie noch laz
 0,293 Von vnkuschen sunden .
 0,294 Nu wil ich erst grunden .
 0,295 Den vil swaere- gotes zorn
 0,296 Den si heten baid erkorn .
 0,297 Nach d' sel vnhiale .
 0,298 Der wart ir ain ze taile .
 0,299 Mit deme h'ten fluoche .
 0,300 Wan vf dem zoberbuoche .
 0,301 beegraif in d' vil grim-e to-t .
 0,302 D' vast mit clagelich' not .
 0,303 Den lip begunde toeten .
 0,304 Vn- die sele noeten
 0,305 Zuo dem hellefiure
 0,306 Wilde vn- vngehiure .
 0,307 Wrden sin ovgen plikke .
 0,308 Des grimmen dodes schrikke .
 0,309 Stiezzen im dc h'ze enzwain .
 0,310 Sin lip sin sel lid vn- bain .
 0,311 beegunden sich do smiegen .
 0,312 Vn- in ainand' biegen .
 0,313 Vn- h'teclichen krachen .
 0,314 Von susgetanen sachen .
 0,315 West nit sin trut geselle .
 0,316 Dc in dc fiur d' helle .
 0,317 So snelle wolt verslinden .
 0,318 Jedoch von zwain kinden .
 0,319 Wart es im snelle kunt getan .
 0,320 Do begunde er lofen vn- gan .
 0,321 Da er den gesellen ligen vant .
 0,322 Sin hende er clagelichen want
 0,323 Er sprach "vil trut geselle .

- 0,324 Mich wndert sere vc welle .
 0,325 Din siechtun vn- din starkes ligen .”
 0,326 D’ sieche sprach “mir ist v’zigen .
 0,327 Dirre welte frovde .
 0,328 D’ gotlichen beschovde .
 0,329 Wirt mir nimmer ovgenplik .
 0,330 Sathanaz d’ sol den sik .
 0,331 Vf min’ sel gewinnen .
 0,332 Des mak ich nit entrinnen .”
 0,333 Des antwrt er im trate .
 0,334 Mit d’ wishait rate .
 0,335 Er sprach: vil lieb’ buole .
 0,336 Vs diser zoberschuole .
 0,337 Solt u dich balde haizen tragen .
 0,338 Wir suln an got sust nit v’zagen
 0,339 Du waist wol dc geschriften ist .
 0,340 Dc vns’ h’re iesus krist .
 0,341 Durch den sund’ ist geborn .
 0,342 Vnde im selber hat erkorn .
 0,343 Ainen marterlichen tot .
 0,344 Dc er eweclich’ not .
 0,345 Den sund’ mocht enbinden .
 0,346 Vn- swer gnade vinden .
 0,347 Wolt v-be sine missetat .
 0,348 Dc d’ mit d’ scrifte ra-t .
 0,349 Mit rechter riuwe quaeme .
 0,350 Fur got vn- von im naeme .
 0,351 Antlaz aller sunde
 0,352 Vn- gnaedelichen funde .
 0,353 Die suozen gotes hulde .
 0,354 D’ siech sprach “min’ schulde .
 0,355 Mag ich nit gnade vinden .
 0,356 Wan mich wil v’slinden
 0,357 D’ dievel in sin wamme .
 0,358 Der haizen helle flamme .
 0,359 Mag ich nu nit entrinnen .
 0,360 Jch mueoz dar inne brinnen .
 0,361 Eweclich a-ne ende .”
 0,362 Sust warf sich gen d’ wende .
 0,363 D’ siech in grozen sorgen .
 0,364 Sust begunde er worgen .
 0,365 Jn des dodes scrikke .
 0,366 Mit schuzlichem plikke .
 0,367 Sach er den gesellen wid’ an .
 0,368 Er sprach “d’ swaere gotes ban .
 0,369 Hat mich nu gebunden .
 0,370 Zuo den hellehunden .”
 0,371 Des antwrt d’ gesunde .

- 0,372 Mit wishait als er kunde .
 0,373 Er sprach vil tru-t geselle .
 0,374 Zuo d' bitern helle .
 0,375 beist u wais got nit geborn .
 0,376 Got bi im selb' hat gesworn .
 0,377 Dc er des sunders to-t nit wil .
 0,378 kain mensch gesundet nie so vil .
 0,379 Er funde wol gotes hulde .
 0,380 Ob er vmbe sine schulde .
 0,381 Enphienge rechte riuwe .
 0,382 Got ist wol so getriwe
 0,383 Dc er sin bloede hantgetat .
 0,384 Jn rechter riuwe nit en lat .
 0,385 Dc waist u selber bc de-ne ich .
 0,386 D' sieche sprach "du doebest mich .
 0,387 Mit vberiger sprach .
 0,388 Got muoz sin geswinden rach .
 0,389 An mir hiut erzaigen .
 0,390 Min leben muoz sich naigen .
 0,391 Jn dc abgrunde .
 0,392 Wan miner swaeren sunde .
 0,393 Wil got nit v'gezzen
 0,394 Mir ist ain stat gemezzen .
 0,395 Jn dem hellefiure .
 0,396 wilde vn- vngehiure ."
 0,397 Do schray d' gesunde lute .
 0,398 Gen sinem sund'tru-te .
 0,399 Vs laidem h'zen grimme
 0,400 Mit clagelich' stimme .
 0,401 Er sprach "vil lieb' friunt min .
 0,402 V'zag nit an dem schepher din
 0,403 Er mak vn- wil dir helfen bas .
 0,404 Vn- wirt din ovge in riuwe naz .
 0,405 So bist u an d' sel genesen .
 0,406 Dc has tu dike vn- oft gelesen .
 0,407 Von sa hailiggaikest le-re .
 0,408 Geselle min nu kere .
 0,409 Dich gen got dc ist min rat .
 0,410 Gedenk dc er gesprochen ha-t .
 0,411 "Qua hora ingemuerit."
 0,412 Dc spricht en duesche an swelhe zit
 0,413 Der sund' sich lat riuwe .
 0,414 Sin sunde mit ganzen triuwen .
 0,415 Vn- von h'zen grunde .
 0,416 Vs riuwevarwem munde .
 0,417 Aine sunfen sent ze got .
 0,418 D' sunfte wirt ain hoher bot .
 0,419 Dem got nit mak v'zihen .

- 0,420 Er muuez dem sund' lihen .
 0,421 Swes er in dem sunfen gert .
 0,422 Sust wart d' schacher ovch gewert
 0,423 An den cruce da er hienk .
 0,424 bei gotes zeswen vn- enphienk .
 0,425 Riuwe von h'zen grunde .
 0,426 Do wart im an d' stunde .
 0,427 Dc paradys enclozzen .
 0,428 Des hat manik sel genozzen ."
 0,429 Der siech sprach "geselle min .
 0,430 Duo mir hiute din triuwe schin .
 0,431 Vn- swik vo- solchen sache- .
 0,432 Vn- hore min herze krachen
 0,433 Gen des todes vorchte .
 0,434 Wan ich han v'worchte .
 0,435 Gotes gnade vn- hulde .
 0,436 Miner swaeren schulde .
 0,437 Mak mir werden niemmer buoz .
 0,438 Gotes segen vn- sin gruo .
 0,439 Hat sich vor mir v'borgen ."
 0,440 Des antwrt im mit sorgen
 0,441 Sin friunt der gesunde .
 0,442 Er sprach vs wisem munde .
 0,443 "Vil h'zenlieber friunt min .
 0,444 Ere got vn- trost die sele din .
 0,445 Mit ainem sunfte swaere .
 0,446 Der wirt so trostbaere .
 0,447 Got vn- diner sele .
 0,448 Dc dich sant gabriele
 0,449 Vor all' himelslich' schar .
 0,450 Von allen sunden machet bar .
 0,451 Vn- fri vor missewende .
 0,452 Sich friunt so wirt din ende .
 0,453 Guot suoz vn- raine .
 0,454 so gewinnet din sel gemaine
 0,455 Frovde mit d' maigede kint .
 0,456 Friunt sich vf vn- wis nit plint
 0,457 Du macht noch wais got wol genezen .
 0,458 Gedenke dc du hast gelezen
 0,459 Dc nie kain riuwe ze spaete wart .
 0,460 Wan nach der lesten hinwart .
 0,461 So gewinne an sunfte hulde .
 0,462 Gen got vmb alle schulde .
 0,463 Die d' licham hat getan .
 0,464 Wir vinden och gescribe- stan
 0,465 Dc sich got wil erbarmen .
 0,466 Vber den sund' armen .
 0,467 Jn dem lesten atenzuge .

- 0,468 Dc ist alles war vn- nit ain luge .”
 0,469 Do schray d' sieche sere
 0,470 Gen sines friundes lere .
 0,471 Von siechem h'zen grimme .
 0,472 Mit zornlich' stimme .
 0,473 Sprach er “vil lieber friunt min .
 0,474 D' erbarmh'zig schepher din .
 0,475 D' helfe dir ich bin verzaget .
 0,476 An im vn- an der rainen maget .
 0,477 Diu in in ganzer kusche gebar .
 0,478 Dort kumet ain dievelichiu schar .
 0,479 Mit d' so muoz ich varn hin .
 0,480 Sit ich an got v'zaget bin .
 0,481 D' muoz sich hiute rechen .
 0,482 An mir vn- vf mich sprechen .
 0,483 Ain vrtail also grimme .
 0,484 Diu mit des fluoches stimme
 0,485 Gemenget ist so vast .
 0,486 Dc von des fluoches laste .
 0,487 Min herze sich muoz zerren .
 0,488 Vn- dc sich muoz vf sperren .
 0,489 Diu helle gen der sele min .”
 0,490 Des antwrt im der friunt sin .
 0,491 Mit ainem sunften swaere .
 0,492 Er sprach “vil bezzer maere .
 0,493 Wil ich dir lieber friunt sagen .”
 0,494 D' siech sprach “du solt gedagen .
 0,495 Vn- solt v'sperren dinen munt .
 0,496 Wan an diser vaigen stunt .
 0,497 bein ich an iesu krist verzaget .
 0,498 Dc si dir offenlich gesaget .”
 0,499 Do slovk sich ze herzen .
 0,500 Mit clagelichem smerzen .
 0,501 Sin friunt d' gesunde .
 0,502 Von laides herzen grunde .
 0,503 Schray er vil lute vn- sprach .
 0,504 “So we mir hiute vn- immer ach .
 0,505 Dc ich dich ie ze friunt gewan .
 0,506 Jch sich wol dc dich nieman kan .
 0,507 Gewisen noch geleren .
 0,508 Got muoz din h'ze keran .
 0,509 Nach sinen lob des wnsche ich dir .
 0,510 Vil lieber friunt nu naige mir .
 0,511 Din or vn- gewer mich ainer bet .
 0,512 Gedenke dc ich nie getet .
 0,513 Willeclichen wider dich .”
 0,514 D' sieche sprach “bit vn- sprich .
 0,515 E dc ich v'schaide .”

- 0,516 Do sprach mit h'zem layde .
 0,517 Sin friunt der gesunde .
 0,518 Vs friuntlichem munde .
 0,519 "Jch pit dich friunt ob du macht .
 0,520 Dc du mir an d' trizgen nacht .
 0,521 Vf genem berge werdes schin .
 0,522 Sich friunt dc ist diu bete min"
 0,523 Sus zaiget er im vil balde .
 0,524 Gen ainem vinst'n walde .
 0,525 Ainen berk wilde vn- hoch
 0,526 Der siech den aten swaere zoch .
 0,527 Er sprach "dc duon ich ob ich mak ."
 0,528 Do kom des grimmen todes slak .
 0,529 Vn- zarret im dc h'ze enzwain .
 0,530 Starkiu lid vn- h'tiu bain .
 0,531 begunden sich do biegen .
 0,532 Vn- in anand' smiegen .
 0,533 Vn- krachen harte vaste .
 0,534 Von des todes laste .
 0,535 begu-de e' sich vaste zerren .
 0,536 Hende vn- fuoeze sprerre .
 0,537 Vn- wid' zaemen zukken .
 0,538 Vn- in anand' smukken .
 0,539 Vn- balde wide strekken .
 0,540 krumme vn- reckken
 0,541 Vn- in sich selv' grimmen .
 0,542 Schumen vn- limmen .
 0,543 begunde d' sieche vaste .
 0,544 Von sines h'zen gaste .
 0,545 Wart er vil se-r gelezzet .
 0,546 D' frovden bar gesezzet .
 0,547 Noch wil ich sagen furbas .
 0,548 Als ich ez an dem buoeche laz .
 0,549 Sin zen begunde er wezen .
 0,550 Vast vf anand' sezen .
 0,551 Vn- durch die zungen bizen .
 0,552 Sin varwe sach man glizen .
 0,553 Jn des todes gilwe .
 0,554 Ain wolken truob gehilwe .
 0,555 Huob sich vor dem siechen .
 0,556 Swizen vn- riechen .
 0,557 Wart d' v'zagete hellepran-t
 0,558 Des wart vil snelle ain hohes phant .
 0,559 Gezukket vo- dem h'zen si-n .
 0,560 Jch main die sel diu fuor da hin .
 0,561 Mit d' dievelichen schar .
 0,562 Diu nach d' sel wc kommen dar .
 0,562a De socio penitente

- 0,563 Waz sol ich nu mere sagen .
 0,564 D' licham wart ze velde getragen .
 0,565 Vngespre-get vn- ane segen .
 0,566 Wan er v'zaget wc tot gelegen .
 0,567 A-n kristenlichen glovben .
 0,568 Des muost man in berovben .
 0,569 Kristenlich' gemain .
 0,570 Sust belaip sich altersain .
 0,571 Sin friunt d' gesunde .
 0,572 Vs laides herzen grunde .
 0,573 Suocht er die wareren riuwe .
 0,574 Mit Kristenlicher triuwe .
 0,575 Kom er z ainem priester guot .
 0,576 Er sprach "herre mins h'zen muot .
 0,577 Hat mich h' ze iu gewiset .
 0,578 Sit iuch got hat gebrizet .
 0,579 Mit so gaistlichen siten .
 0,580 Dar zuo so hat iuch nit v'miten .
 0,581 kunst zucht vn- ere .
 0,582 Da vo- so wil ich lere .
 0,583 Hiut vo- iu enphahen .
 0,584 Vn- wil vil snelle gahan .
 0,585 Vo- minen starken sunden .
 0,586 Min vnrecht wil ich kunden .
 0,587 Mit rechter riuwe wid' mich ."
 0,588 Der priest' sprach "so wil ich dich
 0,589 vil gerne horen an gotes stat ."
 0,590 D' sund' in do sizen bat .
 0,591 Vn- kniet vil wirdeclich fur in .
 0,592 Vn- sprach "vil lieb' he\rre min .
 0,593 Erschreckt nit vo- miner sa-ge .
 0,594 Vn- merkent rechte mins H'zen cla-ge .
 0,595 Des pit ich durch den hohen got .
 0,596 D' groze schande vn- h'ten spot .
 0,597 Durch mich armen hat erliten ."
 0,598 D' priester sprach mit guoten siten
 0,599 "Furcht dir nit vil liebes kint .
 0,600 Swie swaere vn- groz din sunde sint
 0,601 D' muoz got hiut v'gezzen ."
 0,602 Do begunde er mezzen .
 0,603 Mangen sunften lange .
 0,604 Vil naz wart im sin wange .
 0,605 Von mangem zaher grozen .
 0,606 Die er begunde stozen .
 0,607 Mit riuwe von sinen ovgen .
 0,608 Do se-t er ane lovgen .
 0,609 Groz vn- plain .
 0,610 Swas er von kindes bain .

- 0,611 begangen het mit sunden .
0,612 Dc begunde er alles kunden .
0,613 Mit recht' riuwe des herzen .
0,614 Nach clagelichem smerzen .
0,615 Wart er mit ganzer bichte sich .
0,616 Jungen hart wizeclich .
0,617 Recht sam d' adelaere .
0,618 So im sin lip ze swaere .
0,619 Vo- vberigem alter ist .
0,620 So wirt er gar in kurz' frist
0,621 Wid' iunk als ich iu sag .
0,622 Er fluget hohe an ainen dag .
0,623 Ob aines sewes stamme .
0,624 Vf in der wolken flamme .
0,625 Da brennet er sin gevider .
0,626 Vn- vallet denne h' nider .
0,627 Gar besenget in den se .
0,628 Sust wirt e' wid' iunk als e- .
0,629 Vn- wirt im sin gevid'
0,630 Wachsent schiere wid' .
0,631 Harte scho-en vn- glanz .
0,632 Wol gefuoget vn- ganz .
0,633 Vn- adelich geschrenket .
0,634 Sin snabel wol gelenket
0,635 Sin ovgen clar vn- sinwel .
0,636 Sin fluege ringe vn- harte snel .
0,637 Sin griffe wit vn- dar zuo lank .
0,638 Sin h'ze kuoen vn- vaste stark .
0,639 Dc vinden wir vo- im gescriben .
0,640 Sust het den sund' och getriben
0,641 Sins h'zen bicht vf hoh enbor .
0,642 Vnz an dc himelsliche tor .
0,643 Da er in haizzer riuwe .
0,644 Nach kristenlich' triwe .
0,645 Sins h'zen vberfluzzekait .
0,646 Gar v'brannet vn- besnait .
0,647 Dar nach do viel e' in den se- .
0,648 Jch main die zaher die ich e-
0,649 Vf sinem wange ligen sprach .